

Baksaek Yougyangh Gih Yinzminz Fazyen Hai Congh-cueng Fugsahh Vahcuengh Ndaej Vunzlai Haenh

百色右江区人民法院开设壮语服务窗口深受群众好评

Mboengqneix, Baksaek Si Yinzminz Fazyen youq aen ding fugsahh dajgauq gyalai hai “conghcueng fugsahh Vahcuengh”, conghcueng neix anbaiz boub fapguen sugrox Vahcuengh he, yungh Vahcuengh vih vunzlai daezhawj camcaz faplwd、cienjsou caizliuh daengj fugsahh. Conghcueng Vahcuengh hai daengz seizneix, mboujdan fuengbienth vunzlai dajgauq, youh daezsang yauqlwd banh anq, ndaej daengz gyoengq vunzlai angqcoux.

Itcig daeuj, doiq gij daegdiemj Yougyangh Gih dwg vunz Boubcuengh youq lai, Vahcuengh dwg vahdeihfueng cujyau dangdieg, Yougyangh Gih Yinzminz Fazyen cungfaen aeueiq gij

gienzleih dajgauq vunzlai minzcuz vunznoix, gujli gangingj hag Vahcuengh bonjdieg, fuengbienth mwh banh anq caeuq vunzlai gangigoj doxgyau; caemhcai q doenggyaq hai conghcueng fugsahh daegsaek、yungh Vahcuengh haidingz、diuzgaij、cunzdauq banh anq daengj banh fap, dawzfap hozdung engq hauejgyawj vunzlai.

(Loz Cen/罗倩)

► Vunzlai youq bak cueng camcaz faplwd cihsiz.



▲ Canghyw yawjbingh mbouj aeu cienz.

Sanhgyangh: Aen Hozdung Senhconz Fugsahh Veiswnggh Geiqseng Lai Yiengh Ndei Raeuh

三江: 卫生计生宣传服务活动精彩纷呈

Ndwen 8 ngoenz 17, Sanhgyangh Duncuz Swciyen Veigigiz youq Dunczloz Yangh Caida Cunh aen yienh neix banh bi 2017 gihbwnj veiswnggh gunghgung fugsahh hanghmoeg caeuq ndwen senhconz hong ciem canghyw lajmbanj、heiq moq baenzranz ciengx lwg hauej fanh ranz、gvansim vunz riuzdoengh、yawjbingh mbouj aeu cienz hozdung, ndaej daengz vunzlai dangdieg angqcoux.

Doenggyaq aen hozdung neiyungz lai loh, hingzsi lai yiengh neix, hawj gyoengq vunzlai lai sugrox caeuq caeuqfaenh gihbwnj gunghgung veiswnggh fugsahh hanghmoeg caeuq hong ciem canghyw lajmbanj, cauxlaeb Sanhgyangh cangqheiq. Hawj gihbwnj gunghgung fugsahh vunz riuzdoengh doxbingz caeuq biengz vunz riuzdoengh yungzhab, caux ok gij heiqfaenh ndawbiengz ndei gvansim vunz riuzdoengh. Haenqrengz fatyienz soujsaeng geiqseng, dazyinx vunzlai gij gvanhnen baenzranz ciengx lwg laeb gohyoz、vwnzmingz、cinbu haenx, haenqrengz iuheuh sai mbwk doengzbingz、gvansim lwgmbwk、seng ndei ciengx ndei, cauxlaeb gij vanzging ndei gvansim sengciengx、caez laeb huzndei.

(Yiz Vanjyaz/俞晚霞)

Yungzsuij: Vunzlai Senj “Boux danggya”

融水: 票选“当家人”

Ndwen 8 ngoenz 16, dwg ngoenz senjgij vuenh gaiq aen veijyenzvei vunzmbanj daihbet gaiq Sanglij Cunh Dalang Cin Yungzsuij Myaucuz Swciyen, daengx cunh 760 lai boub senjminz gaenxmaenx caeuqfaenh douzbiuq, ei fap yungh gij gienz senjgij caeuq gienz deng senjgij bonjfaenh. Ginggyaq bouxdeqsenj wngqcingz lenzcwng, senjminz laeglemx raiz biuq、yiemzrwd douzbiuq、gamduk suengq biuq daengj cwngzsi, senj aeu “boux danggya” ndaw sim bonjfaenh.

Mboengqneix, aen yienh neix 206 aen cunh(segih) yaek ciuq gonq laeng guh cunh(gih)veijvei senjgij vuenh gaiq, 44.26 lai fanh Myaucuz、Yaucuz、Duncuz daengj senjminz gak cuz yaek douzbiuq senjok bouxdaeuz cunh(gih)veijvei gaiq moq. Ciuq cam rox, aen yienh neix bineix miz 10 fanh lai vunz okrog dajgoeng, haujlai bouxcoz okrog dajgoeng haenx dauq ranz gingsenj cunh ganbu.

(Lungz Linzi/龙林智)

► Vunzlai minzcuz vunznoix cingq douzbiuq.



Fatyienz Swnjcienz Ywyauz Maenhndei

弘扬传承优秀瑶医药



▲ Gyoengq bouxhag hwnjdangz nvinhcaen dinga.

Mboengqneix, Gunghcwngz Yaucuz Swciyen cujciuz boub gisuz guzgan gak yihyen caeuq yanghcin gihcwngz veiswngghyeh、canghyw lajmbanj、canghyw ywdoj daengj gungh 200 boub caeuqfaenh aen ban son' gyaug guh byongh bi, youz Guengjsae Cunghyihyoz Dayoz Yauzyihyoz Yozyen gyausou hwnjdangz haenx. Muzdiz dwg fatyienz swnjcienz Ywyauz maenhndei, guh hung aen doih cienmonz ciengxndang cangqheiq, coicaenh aen yienh neix haenqrengz haiguh saedhengz ywdoj、Ywyauz、“aen yienh mbouj miz aizcwng” daengj ciengxndang hanghmoeg.

(Cwng Ciminji/郑智敏)